



KABINET DIREKTORA

Broj: 01-02-2- 1223-1 /20  
Banja Luka, 07.05, 2020. godine

Na osnovu člana 35. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08, 54/10 i 76/11), člana 8. stav 1. Zakona o sistemu indirektnog oporezivanja u Bosni i Hercegovini ("Službeni glasnik BiH", br. 44/03, 52/04, 34/07, 4/08, 49/09, 32/13 i 91/17), člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), direktor Uprave za indirektno oporezivanje donosi

**O D L U K U**

**O POSEBNIM SLUČAJEVIMA U KOJIMA SE  
NE PODNOSI PROVOZNA CARINSKA PRIJAVA**

**Član 1.**

Ovom odlukom određuju se posebni slučajevi u kojima se ne podnosi carinska prijava za postupak provoza - TR prijava (u daljem tekstu: provozna prijava).

**Član 2.**

- (1) Provozna prijava ne podnosi se u slučaju kada se roba koja ulazi u carinsko područje Bosne i Hercegovine (u daljem tekstu: carinsko područje), po zahtjevu deklaranta, prijavljuje za odgovarajuće carinsko odobreno postupanje ili upotrebu kod carinske ispostave koja mjere carinskog nadzora obavlja na carinskom terminalu koji za tu namjenu koristi i carinski referat na graničnom prelazu preko kojeg roba ulazi u carinsko područje ili kod carinske ispostave koja se nalazi pored ili u neposrednoj blizini navedenog graničnog prelaza.
- (2) Stav (1) ovog člana primjenjuje se na sljedećim graničnim prelazima:
  - a) Granični prelaz Izačić - Carinska ispostava Bihać.
  - b) Granični prelaz Gradiška - Carinska ispostava Gradiška.
  - c) Granični prelaz Šamac - Carinska ispostava Šamac.
  - d) Granični prelaz Brod - Carinska ispostava Brod.
  - e) Granični prelaz Brčko - Carinska ispostava Brčko.
  - f) Granični prelaz Orašje - Carinska ispostava Orašje.
  - g) Granični prelaz Karakaj - Carinska ispostava Zvornik.
  - h) Granični prelaz Bijaća - Carinska ispostava Ljubuški.
- (3) Odredišna carinska ispostava i carinski referat preko kojeg roba ulazi u carinsko područje uređuje u pisanoj formi način na koji će carinski referat obavještavati carinsku ispostavu o prispjeću prevoznog sredstva sa robom i pratećom dokumentacijom, načinu predaje iste i prestanku carinskog nadzora nad robom od strane carinskog referata.

### Član 3.

- (1) Osim ako to deklarant želi, podnošenje provozne prijave ne zahtijeva se kada se roba koja ulazi u carinsko područje preko Graničnog prelaza Rača, po zahtjevu deklaranta, prijavljuje za odgovarajuće carinsko odobreno postupanje ili upotrebu Carinskoj ispostavi Bijeljina i to u sljedećim slučajevima:
  - a) u slučaju kada je za predmetnu robu isključivo nadležna Carinska ispostava Bijeljina (bilo da je ta nadležnost propisana, npr. slučaj kod određenih carinskih povlastica ili drugo, ili je nadležnost određena carinskim odobrenjem koje se odnosi na predmetnu robu osim odobrenja za lokalno uvozno carinjenje, dozvolom za uvoz ili drugo),
  - b) u slučaju kada je određite robe na području Semberije, donjeg Podrinja ili donje Posavine a za predmetnu robu nema ograničenja odnosno nije ničim isključena nadležnost Carinske ispostave Bijeljina,
  - c) u slučaju kada predmetna zbirna pošiljka, pored robe iz tač. a) i/ili b) ovog stava sadrži i robu čije je određite na drugom području Bosne i Hercegovine. U takvom slučaju i ova druga roba može, po izboru deklaranta, biti prijavljena Carinskoj ispostavi Bijeljina za odgovarajuće carinsko odobreno postupanje ili upotrebu. Međutim, ako ovu drugu robu deklarant želi da prijavi drugoj carinskoj ispostavi i u pogledu toga ne postoje smetnje ili je za tu robu nadležna neka druga carinska ispostava, tada ta roba mora biti prijavljena Carinskoj ispostavi Bijeljina za postupak provoza po provoznoj prijavi, radi njenog upućivanja u tu drugu određenu carinsku ispostavu.
- (2) U slučajevima iz stava (1) ovog člana, Carinski referat na graničnom prelazu Rača će, radi identifikacije robe, staviti carinske plombe, gdje je to moguće u skladu sa carinskim propisima.
- (3) Stav (1) ovog člana ne primjenjuje se za sljedeću robu koja ulazi u carinsko područje preko Graničnog prelaza Rača:
  - a) za robu čije je određite na području Semberije, donjeg Podrinja ili donje Posavine a deklarant istu namjerava prijaviti drugoj carinskoj ispostavi (npr. Carinskoj ispostavi Zvornik) na tom području a ne Carinskoj ispostavi Bijeljina,
  - b) za robu čije je određite na drugom području Bosne i Hercegovine,
  - c) za robu za koju je nadležna druga carinska ispostava, a nije u pitanju zbirna pošiljka iz stava (1) tačka c) ovog člana,
  - d) u slučaju robe koja se prijavljuje za odgovarajući uvozni postupak po lokalnom uvoznom carinjenju u skladu sa važećim carinskim odobrenjem, nezavisno da li je tim odobrenjem i odobrenjem za status ovlaštenog primaoca, kao nadzorna carinska ispostava, određena Carinska ispostava Bijeljina ili neka druga carinska ispostava.
- (4) Roba iz stava (3) ovog člana koja se unosi u carinsko područje preko Graničnog prelaza Rača mora se prijaviti za postupak provoza podnošenjem provozne prijave Carinskom referatu na tom graničnom prelazu.
- (5) Carinski referat na Graničnom prelazu Rača i Carinska ispostava Bijeljina urediće u pisanoj formi način na koji će se međusobno obavještavati o upućivanju robe i njenom predočenju odnosno prijavljivanju Carinskoj ispostavi Bijeljina, način razduživanja iste i drugo od uticaja na primjenu ove odluke.

### Član 4.

Ova odluka ne primjenjuje se kada je u slučajevima iz čl. 2. i 3. ove odluke roba koja ulazi u carinsko područje Bosne i Hercegovine drumsko motorno i priključno vozilo, u kom slučaju se podnosi provozna prijava.

## Član 5.

U primjeni ove odluke, carinski referati na graničnim prelazima iz čl. 2. i 3. ove odluke, dužni su uspostaviti i voditi odgovarajuću evidenciju koja mora najmanje da sadrži sljedeće podatke: redni broj, datum i vrijeme ulaska robe na graničnom prelazu, podatke o prevoznom sredstvu (registarske oznake vučnog i priključnog vozila), trgovački naziv robe (ako je u pitanju više roba, može se upisati: "roba iz fakture .....") i bruto masu robe, broj i datum CMR-a i fakture, podatke o uvozniku/primaocu robe, podatke o špediciji koja predaje dokumenta gdje je primjenljivo, datum i vrijeme obavještanja carinske ispostave o prispijeću prevoznog sredstva sa robom i pratećom dokumentacijom i podatke o carinskim službenicima carinskog referata i carinske ispostave koji učestvuju u toj radnji i njihove potpise (podatke za službenike carinske ispostave i njihove potpise gdje je primjenljivo), podatke o broju (MRN broj) i datumu carinske prijave po kojoj je roba stavljena u odgovarajuće carinski odobreno postupanje ili upotrebu u carinskoj ispostavi.

## Član 6.

Uz carinsku prijavu po kojoj je roba iz čl. 2. i 3. ove odluke prijavljena kod carinske ispostave za odgovarajuće carinski odobreno postupanje ili upotrebu moraju biti priložena sva dokumenta koja su potrebna kako pri ulasku robe u carinsko područje (npr. odgovarajuće dozvole i dokumenta u vezi inspeksijskih kontrola, sve u zavisnosti o kojoj robi je riječ, to jest da li predmetna roba, pri ulasku u carinsko područje, podliježe dozvoli kao mjeri trgovinske politike za ulazak robe u carinsko područje ili nekoj od inspeksijskih kontrola), tako i za carinski odobreno postupanje ili upotrebu za koje je roba prijavljena carinskoj ispostavi.

## Član 7.

Carinski referati na graničnom prelazu i carinske ispostave iz čl. 2. i 3. ove odluke dužni su uspostaviti svu neophodnu međusobnu saradnju i komunikaciju koja će im omogućiti efikasno i pravilno postupanje u primjeni ove odluke i kontrolu tog postupanja.

## Član 8.

Stupanjem na snagu ove odluke prestaje da važi Odluka kojom su određeni posebni slučajevi u kojima se ne podnosi carinska prijava za postupak provoza, broj: 01-02-2-1247-1/10 od 22.06.2010. godine, broj: 01-02-2-1247-11/10 od 31.12.2010. godine, broj: 01-02-2-1492/11 od 21.07.2011. godine i 01-02-2-428/16 od 09.02.2016.godine.

## Član 9.

Ova odluka stupa na snagu danom preseljenja Carinske ispostave Bijeljina na novu lokaciju u Bijeljini i objavljuje se na Web stranici UIO: [www.uino.gov.ba](http://www.uino.gov.ba) u dijelu pod nazivom "Propisi".

Dostaviti:

1. Regionalnim centrima
2. Kabinetu direktora
3. Sektorima i Odjeljenjima UIO
4. Web stranica UIO: [www.uino.gov.ba](http://www.uino.gov.ba)
5. a/a



**DIREKTOR**

**Dr. MIRO DŽAKULA**